



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Maximiliani Sandaei E Societate Iesv Doctoris  
Theologi Architectvra Christiana**

**Sandaeus, Maximilianus**

**Coloniæ Agrippinæ, 1653**

Sermo XI. Timor Domini. Quà Domus Tectum. Quà Fundamentum

[urn:nbn:de:hbz:466:1-46065](#)



## SERMO XI.

TIMOR DOMINI

Quà Domus Tectum, Quà Fundamentum.

## ARTICULUS I.

*Timoris Domini*

Cum Tecto Domus analogia.

**D**IVINI Spiritus, qui est primarius Domus Sapientiae Architectus, enunciatum est: *Initium Sapientia Timor Domini.* Ex quo sic ratiocinari lubet. & per Canones Architecturæ sacræ licet. Si *Initium*, aut *Principium Sapientiæ* est Timor Domini: est igitur Fundamentum Ædificii spiritualis. Siquidem per Sapientiā in divino Codice non intelligitur virtus aliqua solitaria, inter intellectuales una, cognita & celebrata à Philosopho, lib. vi. Ethic. 9. sed virtutum omnium *euensia*, compositio, conventusque: quæ est ipsissima Domus spiritualis definitio. Quod si Timor est Fundamentum, quomodo potest esse Humilitas? quâ ratione Fides? An, quot virtutes tot sunt fundamenta? vbi ergo parietes? quæ tectum? quæ fenestræ? quæ aulæ? quæ conclavia? Et sanè, non est facile definire, an Timor Domini, totius Ædificii spiritualis Fundamentum, an verò Tectum dici debeat. Sunt enim quidam artis nostræ non imperiti, qui revera esse

Te-

Tectum opinentur : ad quod haud levibus inducuntur argumentis. Et imprimis , constat è Divinis paginis , quæ totam Architectandi sacram disciplinam haud paullò accuratius, quam libri omnes Vitruvii profanam nobis repræsentant consummationem Sapientiæ esse Timorem Domini. Consummatio autem , sive ultima domus perfecto cum Tecto imponitur. Ecclesiastici 1.16. *Initium Sapientiæ Timor Domini.* At quale initium? In quo extrema perfectio: nam paullò post subdit: *Plenitudo Sapientiæ est Timere Deum:* id est, perfectio, summum, conus, altitudo. Job xxiii. *Ecce Timor Domini ipsa est Sapientia:* quasi dicat, nucleus Sapientiæ est Timor Domini: id, quod in illa excellit, & est nobilissimum. Et Sapiens ipse in cathedra Ecclesiastes: *Finem loquendi pariter audiamus: Deum time, & mandata ejus obserua.* Hoc est enim omnis homo. Quo loco, ut notat D. Gregorius, lib. 4. *Dialog. cap. 40.* Salomon, velut extensa manu Concionator finem dictioni imponens , in unam tentiam, eamque brevissimam præceptiones omnes de virtutibus colligit, & Tectum quasi ædificio spirituali imponit, dicens, *Finem loquendi, nimirum, finem sermonis, vel totius rei, perfectionem virtutum, sive consummationem (summam summarum, dicit alicubi Seneca)* nostro proposito, ex Architectonica accommodatè; id, quod cetera tegit, à quo Tectum, *Deum time: Hoc est enim omnis homo:* id est, totus, integer, perfectus, consummatus: quasi dicat, in hoc consistit perfectio, seu consummatio hominis. Ob hanc caussam , Beati dicuntur , qui timent Dominum : Beatitudo autem nemini advenire potest, nisi post impositum Ædificio Virtutum Tectum. *Beatus homo, qui semper est pavidus,* inquit Salomon Proverbior. xxviii. & Ecclesiasticus cap. xxv. *Beatus homo, cui donatum est habere Timorem Dei.* *Qui tenet illum, cui adsimilabitur?*

*labitur? & cap. 34. Timentis Dominum beata est anima ejus.  
P̄lasm. cxI. Beatus vir, qui timet Dominum: id est beatitudo  
viri est Timor Domini. ergo Timor est consummatio,  
ergo, phrasē architectonica, Tectum.*

Hæc robur accipiunt ex eo, quod Timor dicatur superimponi, nempe, aliis ædificiū partibus. Ecclesiastici xxv. Timor Dei super omnia se superponit Hoc si Architectus audiret, asseveraret profectò, Timorem in Virtutum ædificio Tectum esse. Græcè est, ὁ προτερότατος id est, super excellexit, nempe, ut tectum parietes. In eundem sensum dicitur, *Corona Sapientiae Timor Domini*. Ecclesiastici. Quamobrem qui Timorem Dei habet, tanquam quin summitate domus consistit dicitur quolibet magno major. Iterum advoco Ecclesiasticum, qui cap. x. Magnus inquit, & judex & potens est, & non est major illo, qui timet Deum. Alibi admirabundus ad conspectum giganteus illius formæ, quem exaltavit Sapientia exclamat, Ecclesiastici xxv. *Quām magnus, qui invenit Sapientiam, & scientiam, sed non est super Timentem Dominum.* Distinguitur hinc Sapientia à Scientia, quod Scientia accipiat pro cognitione intelligibilium ac speculabilium, Scientia pro notitia agibilium circa quæ versatur Prudentia. Magnus autem & excellens, qui aslequutus est divino munere eximiam præ ceteris Sapientiam ejusmodi, qua potest alios docere, quæ de Deo divinisque sentienda sum divinas Scripturas explicare, veritatisque hostes redarguere. Magnus item, qui præ ceteris adeptus est Scientiam agendorum, ut & agnoscat, quid in singulis negotiis occurribus sibi sit agendum, & alios docere voleat, salutare consilium tradendo. Sed neuter attingit celsitudinem Timentis Deum. Itaque Timens Dominum est in altiori loco constitutus: nempe, in tecto domatis.

QVOD

(4) P  
118. OCTO

Quod autem dicitur, *Initium Sapientiae Timor Domini*, sive, ut alii legunt, *Principium*; ut nonnulli, *Caput*; Græce, ἡρά. Hebraice, תִּירְשָׁתֵּה, reschith, ne his videatur adversari, significare potest, quod præcipuum est, ac primum tenet non tam ordinis, quam dignitatis locum. Sic Ecclesiastici xi. *initium sumitur pro summo ac perfecto*, dum dicitur: *Brevis in volatilibus est Apis*, & *initium dulcoris habet fructus illius*: hoc est, summum perfectumque dulcorem: nempe, supremum apicem dulcedinis, seu principatum in dulcedine. Simili modo. Jacobi i. dicuntur fideles *Initium creaturæ Dei*: *Voluntariè genuit nos, Verbo veritatis, ut simus INITIUM aliquod creaturæ ejus*: id est, ut eruditи Interpretes exponunt, primitiæ, fructus excellētissimus. Quomodo quidam (a) dictum putant: *Initium Sapientiae*, hoc est, primitiæ, & interpretantur, primum ac præcipuum fructum. S. Thomas (b) sane, *Initium Sapientiae effectum*. In ea sententia videtur esse S. Ambrosius in psalmū cxviii. cuius illud est argumentum: quod cum Isaías Propheta cap. xi. enumerat Spiritus sancti dona, ultimo, id est, altissimo loco, Timorem nominet; *Requiescat, inquit, super eum Spiritus Domini: Spiritus Sapientiae, & intellectus: Spiritus consilii, & fortitudinis: Spiritus scientie & pietatis, & replebit eum Spiritus Timoris Domini*. Eundem sensum indicat S. Nazianz. oratione xxviii. cum respondet obijcientibus sibi imperitiam, confitendo, si quidem probent, se in schola Timoris Domini fulle rudem, expertemque vixisse Timoris illitus: quia hic Timor ait, *Initium Sapientiae dicitur, immo, & Finis sermonis ab Ecclesiaste*. Clemens quoque Alexandrinus in secundo Stromatum Timorem fundamento fidei post-

*Secunda pars.*      Aa      ponit:

(a) Pineda Job 28.11,5. (b) 1.2.q.19.art.3. (c) S. Ambros. in psal. 118. octon. 5.

ponit: *Fides, inquit, est prira ad salutem inclinatio, postquam Timor, spes, pœnitentia.* Timor igitur, non tam Fundamentum Domus Sapientiae, quam Tectum dici debet.

## ARTICULUS II.

## TIMOR DOMINI FUNDAMENTUM

*Ædificii Spiritualis.*

**V**ERVM alii quam plurimi sacræ Architecturæ Magistri, mirabili consensu; immò illi ipsi, quos laudavi, diversis librorum suorum locis, constantissime affirmant, Domus Sapientiae Fundamentum esse Timorem Domini. Hos ut nominem fideliter, observo. *Quod Latinis est Initium, Græcis, ἀρχὴ, Hebræis resūt trifariam exponi ab Interpretibus divini Codicis. I. significet primitias Sapientiae: quod quicumque sapientia incipit, Deo Timorem, ut primum gratumque fructum soleat offerre. II. ut indicet, Timorem esse caput, vel præcipuam Sapientiam: quem qui non habet, revenit nihil sapiat. III. ut idem sit, quod elementum, radix, fundamentum. Nomino igitur imprimis eos, qui Initium Sapientiae hoc tertio modo accipiunt, & ædificii spiritualis inchoationem & exordium dicunt esse à Deo Timore, veluti à Fundamento. Quæ est communis SS. Patrum & sacrorum Interpretum explanatio. Imprimis verò S. Augustini libro secundo de Doctrina Christiana cap. vii. Clarissime etiam S. Bernardus, tractatu de Divinis Spiritus-sancti cap. i. Prima gratia est Timor Domini. Mox, Sine hac gratia prima gratiarum, que totius religionis exordium est, nullum bonum pullulare, vel manare potest. Exordium vocat.*

## TIMOR DOM. FUNDAMENTUM. 381

vocat. Quod autem est in Rhetorica exordium, in Architectonica dicitur Fundamentum. Quo vocabulo, ne quis super sit dubitandi locus, utitur antiquissimus Tertullianus, qui initio libri de cultu fœminarum: **TIMOR**, inquit, **FUNDAMENTUM est salutis**. Timendo cavebimus: *ca-  
rendo salvi erimus*. Qui sollicitus est, is verè poterit esse securus. Quæ loquutio, tanquam Magistri sui, quo titulo hono-  
tabat Tertullianum Cyprianus ad eò huic placuit, ut li-  
bro tertio ad **Quirinum cap. xx.** eandem usurparit, non  
sine addito, quod conceptionem nostram promovet,  
dicens, *esse Fundamentum & firmamentum spei ac fidei*  
*Timorem: juxta illud: Initium Sapientiae Timor Domini: &c,*  
*ut in Sapientia Salomonis dicitur: Initium Sapientiae me-  
ttere Deum:*

---

## ARTICULUS III.

### SIMILITUDINES VARIÆ,

*Quibus persuadetur, Timorem Domini Fundamentum esse  
Domus Sapientiae; & posse dici primam Virtutum.*

Huc facit imprimis comparatio S. S. Augustini &  
Gregorii, qui, dum conferunt septem dona Spiritus-  
sancti cum septem Beatitudinibus Evangelicis à Chri-  
sto D. traditis, *Donum Timoris* comparant cum Beatitu-  
dine primâ, quæ est Paupertas in Spiritu: Beati pauperes  
Spiritu. *Timor Dei*, inquit Augustinus, libro de Serm. D. in  
Monte, cap. 9. congruit humilibus, de quibus dicitur: Beati pau-  
peres Spiritu: id est, non inflati, non superbi: de quibus Apostolus  
dicit: Noli altum sapere, sed time; id est, noli extolli; ad Ro-  
man. xi. Nec movere debet, quod *Timor inter Dona S.*  
*Spiritus postremo nominetur loco*. Nam sensu D. Gre-

Aa 2 gotii,

gorii, Homil. xix. in Ezech. Dona Spiritus ab Isaia numerata sunt, descendendo à cœlestibus atque perfectioribus ad inferiora, ac minus perfecta, id est, à Tecto, ad Fundamentum. Quapropter à S. Basilio, Timor vocatur Iagogicus, seu Introductorius. Necessariò, inquit, velut Introductorius ad pietatem Timor adsumitur. Caritas vero à Timore instructivo exercitatos suscipiens perficere solet. Ac si dicat architeonica circumloquitione; Caritas est tectum, sed Timor fundamentum. Eodem spectat similitudos. Bernardi, petita à Radice, quæ fundamentum est arboris. Timor Domini, ait, radix est, & custos omnium bonorum. Unde scriptum est: Si non Timore Domini tenueris te, instanter citò subvertetur domus tua: omne namque virtutum afflictum illico vergit in præcipitum, si hujus gratiæ amiserit podium. Ex quo colligas, existimasse S. Bernardum, Timorem Domini non esse Tectum: nam eo ablato non corruit domus, sed Fundamentum, quo vel labefactato concidit.

Quid S. Ambrosius, cuius mens contraria videbatur Apertissimè Timorem nominat Basim in psalmum cxviii, ser. 5. sic scribens: Verè Sapientia à Timore incipit: nec est Sapientia spiritualis sine Timore Dei. Basis quedam Verbi est Timor sanctus. Sicut enim simulacrum aliquod in basi statuitur, & tunc majorum habet gratiæ statua, cum in basi fuerit collocata, standiq; accipit firmatè; ita Verba Dei vel rationabile Dei in Timore sancti melius statuiuntur, & fortius radicatur: hoc est, in pectore timentis Dominū, ne labatur Verbum de corde uniuscujusque. Mox ad jungit. Quia Basim Verbi Timorem diximus, ne quid alium à Scripturis potuisse nos quisquam putet, accipiat lectum à DEI Verbo in Canticis Cantorum: Cant. v. 15. Cura ejus Columnæ marmoreæ fundatæ super bases aureæ signi

(a) S. Basil. hom. 8. in Psal. 32. Dorotheus doctrina 4. Nicom. comm. in Nazianz. Beda Prou. 1. & 7.

significans Columnas esse Ecclesiae Apostolos, qui fundati sunt in Timore sancto. Basis autem aurea Timor est plenus disciplinae: quia initium Sapientiae est. Timore ergo Sapientia Apostolicae prædicationis nititur, & velut super basem autem columnam confirmatur. Et vide tanquam basim auream esse Sanctorum Timorem. Lege Isaiam Prophetam. Vide quantis subjecerit Timorem, ut ficeret irreprehensibilem & bonum Timorem. Spiritus, inquit, Sapientiae & Intellectus, Spiritus consilii & virtutis, Spiritus cognitionis atque pietatis, Spiritus sancti Timoris. Quantis Timorem subiecit: informatur per Sapientiam, instruitur per intellectum, consilio dirigitur, virtute firmatur, cognitione regitur, pietate decoratur. Si itaque Timor est Basis, fundamentationem habet.

D.Nazianzenus, Elementum vocat, cui insistimus. Nonnemo (b) Pedem montis Sapientiae. Fert animus, inquit, & juuat, ad veræ Sapientiae culmen pervenire: prium cogitate de hoc Montis pede: videte, an Deum timeatis. D. Antonius, teste Athanasio in Vita concipiebat Timorem velut Rupem aut petram cui anima incumbit & in qua sustinetur. Formido Judicis Dei aiebat (c) & pœnarum timor, tum lubricæ carnis incentiva dissolvit, tum ruentem animam quasi ex præcipitio sustentat: nempe, excipiens cadentem ex rupe in rupem alteram. Alia est imago symbolica S. Augustini (d) comparantis Timorem Dei, cum setâ, quam lino involvunt sutores, ut extet acuties, sicque per corium transmitant. Itaque existimabat, Timorem esse primam ordine inter virtutes ceteras. Timor, inquit, quasi locum præparat caritati. Si nullus Timor non est, quæ intret Caritas. Sicut vides per se tam introduci linum, quando aliquid suitur. Hanc

Aa 3

D.Au-

(a) Nazianz. or. 39. (b) Lact. 32. specu. Maria. Delr. (c) S. Anton. S. Athanas. in Vita. (d) S. August. tract. ix. in Epist. Joan.

D. Augustini similitudinem ex sutoria arreptam officina pluribus explicat Honorius in Canticor. viii. & nota. Sutori necessaria esse, corium, terrum, setam, linum. Corio comparat animam: ferro, seu acui sutoriae Timorem servilem; setæ suillæ Timorem initialem; lino Timorem filialem. Sicut autem subula corium perforatur, sic Timore servi anima transfigitur, & reliqua immittuntur.

## SERMO XII.

## TIMORIS SPECIES

*Praeambulum.*

**C**UM tam sint multi spiritualis vita Magistri, qui Timore, illi Fundamentum Aedificii spiritualis habent, alii vero eundem, ut Tectum predicant, reor distinctione, utriusque partis patronos conciliari posse: Sic namque statuo. Esse Timorem quendam, qui neque Fundamentum, neque Tectum dici possit: aliquem qui Fundamenti, alium qui Tecti rationem habeat: nec deesse, qui utriusque rationem participet. Quod ut ab omnibus intelligatur instituenda est divisio in membra, sive species, aut genera, que idem hic valent.

## ARTICVLVS I.

## TIMOR NATURALIS.



ISPESCO Timorem in quinque genera. Vt  
I. sit Naturalis. II. Mundanus. III. Servilis.  
IV. Filialis, vel Castus. V. Initialis. NATU-

RALIS